

D'he ziskibien assambllet e lavarez neuze :
— Dalc'hit mad d'ho reolen betek fin ho pue ;
A goude beza roet dezho oll he vennoz,
E kuiteaz ar bed-ma 'vit mont d'ar baradoz.

D'ar bloavez pemp kant trivec'h karget a zantelez,
D'ar bemzek a triugent bloavez euz he vuez,
E varvaz etre divrec'h he venac'h glac'haret,
A gant an oll voa souden evel sant enoret.

E parrezik Pouldahu, gueichall e Pouldergat,
E veler eur chapelik en enor d'an abad ;
D'an eil a viz Here e ve pardon ennhi
Da gaout pare euz ar guentr, a bep tu e teuer di.

Da chapelik Sant-Guenal deuit da bardona,
Meur a glanvour 'n'euz kavet iec'het nevez ama ;
Mar pedit gant feiz guirion, eb douetans ebet,
Digant ar Zant d'ho poaniou c'houi po ive remed.


Peb tra a lez sant Guenal evit klask an Envou,
He gorf dre ar binijen a bleg d'ar vertuziou.
Greomp eveltan, kristenien, a deskomp beza fur :
Goulennomp ouspen iec'het dreist-holl eur galon pur.

IMPRIMATUR :

14 Janvier 1922.

A. COGNEAU,
Vic. gén.

8N2-1-038
voir aussi 8N2-1-012



Cantique à Sant Vendal

(Air : Patronnez dous ar Folgoad)

GUERZ

SANT GUENAL

Diskan : Da Sant Vendal benniget enor ha meuleudi
Dirag hor skeudenn aman ni zo deut da pedi
Mar pedit gant feiz gwirion, eb douetans ebed
Digant ar zant d'ho poaniou, c'houi po ive remed.

Eur bugel hanvet Guenal diskib sant Guenole,
A bet e Landevennek abad en he c'houde,
'Vel tad n'oa Romelius, evel mam Levenez,
Daou bried a ne glaskent nemet ar Zantelez.

Sant Guenal ez vianik a oa flam da velet,
A oa flam e peb feson a gorf ak a speret,
Douget d'an oll vertuziou, a dreist-oll d'an dousder ;
Guenal d'an oll vugale c'helle servich da skuer.

Eun devez sant Guenole, ganthan daou vanac'h all,
A zigouezas da dremen abiou maner Guenal ;
Ar bugel var an treujou a zelle dioutha :
Guenole ouz he velet en devoa melz ennha.

— Va mab, kontant e vijac'h, eme sant Guenole,
Da zont da Landevennek da zervicha Doue ?
— Ia, va zad, emezhan, kontant on, kontant on,
A ganeoc'h c'houi d'ho kouent e zin a greiz kalon.

Rak hervez an Aviel ne zaimp ket d'an Envou
Ma ne guitaomp 'vit Doue hon tadou, hor mamou,
Hor breudeur, hor c'hoarezet, heritaj a danvez,
Pep tra rankomp dilezel 'vit senti ouz he vouez.

Guenole ak he venac'h a zo souezet meurbet
O klevet gant eur bugel eur respont ken parfet.
— Va mabik kez, emezhan, va mabik, va mabik,
Goall yaouank c'hoas ho kavan, gortozit eun tamik.

Hogen ar bugel yaouank a ree implij dija
Euz an Testamant nevez a oa desket deza
Ak evel ar veichkenta e respont adarre
Evel ma vije eun El diskennet euz an Ee.

— Penaoz-ta, va zad abad, eme ar c'hrouadur,
A n'ouzoc'h c'houi ket petra 'zo merket er Skritur.
Lakat an dorn en alar a distroi adarre
A zo distroi ouz guir hent rouantelez an Ee.

A c'houi a c'helfe kredi e ven ken digalon
Betek kemer an hent fall e lec'h an hent guirion ?
Na karantez va c'herent, na netra euz ar bed
Na rei din biken renons d'ar pezh am euz sonjet.

Joa oa gant sant Guenole klevet ar respont-se,
Digemer a ra Guenal etouez he vugale,
Ak evel daou bez arc'hant er memez moul teuzet,
N'o doa mui 'met eur galon a nemet eur speret.

Pa oa digouet er gouent ar venac'h a grede
E tisterache buan an oll mennoziou-se ;
Mez furnez ar c'hrouadur voa furnez an Envou
Ak a ye va gresk da c'hent he vloaveziou.

'Vit miret ar burete a garie dreist peb tra
Ar rusta pinijennou 'vintha ne oant netra,
Ken a c'helfer lavaret e voa kentoc'h eun El
Eget eun den bet sujet d'an tech orijinel.

Pa zantaz sant Guenole e voa tost ar maro,
E c'halvaz he oll venac'h ak laraz dezho :
— Mar a fell deoc'h c'hoaz ober eur blijadur d'o Tad
Choazit evit ho pleina Guenal evel abad.

E kouent Landevennek Guenal 'jomaz seiz vloaz ;
Neuze gant unnek manac'h e treuzaz ar mor braz
Da velt menec'h santeloc'h var douarou Bro-Zaoz.
A deski guell, emezhan, guir hent ar baradoz.

Goude beza tremenet pevar vloaz er vro se,
O labourat da c'honit kalz eneoù da Zoue,
Gant he anterkant diskib e tistro da vro Breiz
'Vit tec'het 'éok an enor ken karet gan' aleiz.

E kouent Landevennek e chomaz eur mare,
Goudeze en em dennaz n'eur c'horn all a Gerne.
Ak enno gant kals breudeur leun a zoujans Doue,
'Noa great he zonch da dremen ar rest euz he vue.

O vont eun deiz da velet he vignon Karado
Setu en he lochennik o lammet eur c'haro
Pourchuet gant chass Rivoal pe ar roue Hoel,
Ar paour kez loen a guzaz dindan korn he vantel.

Kerkent evel dre vurzud ec'h eanaz ar chass
Da bourchu al loen spontik, da chalpat a da gass :
Kerkoulz ak eur gourc'hemen voa mouez ar Zant dezho,
Lipa a reont he zaouarn o lezel ar c'haro.

Guenaelien ar Roue a zo oll es'onet,
D'ho mestr e zeont da gonta ar pezh 'zo c'hoarvezet ;
Sant Guenal a zo galvet da balez ar Roue.
Heman a ginnig dezhan aour, arc'hant a leve.

Da veva en he vaner Rivoal her ped ive,
Dre ma anaie parfet e voa eun den Doue.
Mez sant Guenal o santout he dermen diveza
Da zont en dro d'he c'houent a c'houlén digantha.